



Asasara Hans Aronsen,

Apeqquternut qujanaq ataasiakkaarlugit akissuteqarfiginiarpakka.

1. Naalakkersuisut sinerissami qaleralinniarfusuni aalisarnermi piniutigineqartartut eqqortumik atorneqarnersut ilisimasaqarpat imaluunniit malinnetsitsippat?

1 pillugu

Kalaallit Nunaanni Aalisarsinnaanermut Akuersissutinik Nakkutilliisoqarfiup (KANUAANA´p) ilisimavaa qaleralinniarluni aalisarnermi qassutinik nigartakippallaanik atuinerup annertusiartornera.

Qassutinik ningartakippallaartunik unioqqutitsilluni atuinerumut pissutaagunarpoq qalerallit milliartornerat, qaleraleqassutsimullu tamanna, biologit siunnersuutaannit qaffasinnerusumik aalisarfioersumut, ajortumik imminut sakkortusaataasumik sunniteqarluni. Taamaattumik pingaaruteqarluinnarpoq nigartaqqortussutsit inatsisitigut aalajangersarneqartut ataqqineqarnissaat, tamannalu qaleralinniarluni aalisarnermi piniutigineqartut nakkutigissallugit KANUAANA´p suliniuteqarfigisaasa ilagivaat.

Taamaattoq erseqqissarneqassaaq KANUAANA´p ilimagimmagu sinerissap qanittuani aalisartut amerlanerussuteqartut nigartaqqortussutsit uuttuutaat pillugit malittarisassat eqqortumik atoraat, aalisartullu ikinnerussuteqartut – amerlanerussuteqartut ajoqutissaannik – piaaralutik malittarisassanik unioqqutitsisut.

Malittarissat eqqortinneqarnissaannut atatillugu unamminartoq tassaavoq saarullinniarluni qassutinik aalisarneq aamma piffinni taakkunani, imartat aalisarfiit agguataarneqarsimanerini immikkut qaleralinniarluni aalisarfiusuni ingerlanneqartarmat, saarullinniarlunilu aalisarnermi nigartaqqortussutsit uuttuutaasa minnerpaaffissaat minnerulluni. Saarullinniarluni aalisarnermi qassutinik nigartaqqortussutsit 140 mm-it minnerpaaffissatut atuuppoq massa sinerissap qanittuani qaleralinniarluni aalisarnermi nigartaqqortussutsit uuttuutaat 220 mm-it

Brevdato: 09-05-2016
Sags nr. 2016 - 7778
Akt id. 2743301

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

minnerpaaffiligaasoq.¹ Taamaattumik saarullinniarluni aalisarnermi unioqqutitsiffiunani ingerlanneqartumi saniatigut qalerallinnik pisaqartoqartarnera pinngitsoortinneqarsinnaangilaq, unioqqutitsisumillu qalerallinniarluni aalisartoqarneranik uppersaaniarneq ajornakusoorsinnaavoq, aalisartut oqaatigisinnaamassuk saarullinniarluni aalisartoqaannartoq.

Nakkutilliinermi suliniuteqarneq pilersaarusionneqartarpoq misissuinermi paasisat takkuttut, aalisartunit saaffiginninnerit kiisalu pisassiissutinit qaqqinneqartunik nakkutilliineq aamma misissoqqissaarineq tunngavigalugit. Arktisk Kommando'p umiarsuaatai alapernaarsuutit KNUD RASMUSSEN aamma EJNAR MIKKELSEN suleqatigalugit Uummannami aamma Qeqertarsuup Tunuani qalerallinniarluni aalisarneq alaatsinaannerullugit piffissani apriliip 14-ianniit 25-ata tungaanut aamma apriliip 28-anniit maajip arferngata tungaanut nakkutilliilluni paasisitsiniaanerit marluk naammasseqqammerput, tassani saarullinniarluni aamma qalerallinniarluni qassutinik aalisarnermi nigartaqqortussutit uuttuutaasa akuerineqartut assigiinngissusaat pillugit ilaatigut misissuinerit ilitseruussunerillu ingerlanneqarlutik.

Angalanerit takusassiarineqarneri ataani takuneqarsinnaapput:

Arktisk Kommando'p, umiarsuarmik alapernaarsuummik KNUD RASMUSSEN-imik aamma KANUAANA'p nakkutilliilluni angalanerat apriliip 14-ianniit 25-aannut 2016.			
	Uummannaq	Qeqertarsuup Tunua	Katillugit
Aalisartunik misissuinerit amerlassusaat	7	22	29
Piniutigineqartut ilisarnaateqanngitsut amerlassusaat	0	13 qassutit	13
Qassutit qalerallinniutit nigartakippallaat amerlassusaat	0	3	3
Ilitseruinerit amerlassusaat	5	17	22
Politiinut unnerluussinerit amerlassusaat	0	3	3
Akiligassiissutit (eqqartuussissusilersuunnagit) Amerlassusaat	0	2	2

¹ Nigartaqqortussutit uuttuutaat takuneqarsinnaapput pijuartitsineq siunertaralugu aalisarnerup teknikkikkut iluarsartuussivigineqarnera pillugu Namminersorlutik Oqartussat nalunaarutaanni nr. 12-imi, 17. november 2011-meersumi.

Ulluni apriliip 28-anniit maajip arferngata tungaanut, qaleralinniarluni qassutinik aalisarnerup uninnera eqqorlugu, Arktisk Kommando suleqatigalugu, matumuuna alapernaarsuut EJNAR MIKKELSEN peqatigalugu nakkutilliilluni angalaneq ingerlanneqarpoq:

Arktisk Kommando´p, umiarsuarmik alapernaarsuummik EJNAR MIKKELSEN, aamma KANUAANA´p, nakkutilliilluni angalanerat apriliip 28-anniit maajip arfernganut 2016.			
	Uummanaq	Qeqertarsuup Tunua	Katillugit
Aalisartunik misissuinerit amerlassusaat	2	21	23
Piniutigineqartut ilisarnaateqanngitsut amerlassusaat	1	12	13
Qassutit qaleralinniutit nigartakippallaat amerlassusaat	0	2	2
Ilitsersuinerit amerlassusaat	0	3	3
Politiinut unnerluussinerit amerlassusaat	1	1	2
Akiligassiissutit (eqqartuussissusilersuunnagit) Amerlassusaat	0	0	0

2. Taamaattoqanngippat sooq ilisimaneqanngillat malinneqaratillu uffa massa inatsisitigut sinaakkutissaqartoq, malitsinnissaannullu nakkutilliisut angallatigissaartut piareeqqangaluartut?

2 pillugu

Apeqqutip siulliup akineqarnerani taaneqartut KANUAANA´p ilisimavaa qaleralinniarluni aalisarnermi nigartaqqortussutsit uuttuutaat pillugit unioqqutitsinerit ajornartorsiutaanerit, tassanilu nakkutilliilluni suliniuteqarnek pingaartillugu salliutinneqassaaq.

Ilanngullugu paasissutissiisutigineqarsinnaavoq KANUAANA´p angallataatai ukiukkut angalanissamut naleqqussagaanngimmata. KANUAANA´p angallataatai nunatsinni pissutsinut naleqqussagaapput, kisianni sikusiutissatut sanaaunngillat. Tamannaana pissutaasoq angallatit atorneqartarnerisa pingaarnertut killeqarnerannut,

nalinginnaasumik ingerlatsinermi orsersornermik aningaasartuutit pissutaavallaarani, soorlu apeqquteqarnermi tunngavilersuutitut taakkartorneqartoq.

Taamaattumik Arktisk Kommando-mik umiarsuaataanillu alapernaarsuutiniq suleqatigiilluarneq nakkutilliilluni sulinermi assut iluaqutaavoq. Tamanna ukioq naallugu atuuppoq kisianni pingaartumik ukiup ilaani KANUAANA´p angallataatai atorlugit aqutsiveqarfiit angallavigineqarsinnaatinnagit.

Ukiutinnagu nakkutilliilluni suliniuteqarnernut KANUAANA´p angallataatai aalisarfinni qanittuni atorluarneqarsinnaapput, aamma angallatit sineriammi illoqarfinnut angineranut agguataarnikuupput, taamaalilluni nakkutilliilluni suliasat assigiinneqisut qulakkeernissaat pitsaanerpaamik periarfissinniarlugu.

3. Nakkutilliinermik ullumikkornit pitsaanerumik ingerlatsinissamut suut amigaataappat, sutigullu aaqqiissuteqartoqarniarpa?

3 pillugu

Nakkutilliilluni sulinerup qanoq pitsaanerpaamik ingerlanneqarsinnaanera KANUAANA´p ataavartumik naliliiffigisarpaa aningaasaqarnikkut sulisoqarnikkullu sinaakkutit atorneqarsinnaasut iluanni, aamma KANUAANA´p angallataatai nakkutilliinermilu atorlut allat eqqarsaatigalugit missingersuutitut nalimmassartarlugit.

Nakkutilliinermi suliniuteqarnerup pisariillisaavigineqarnerani taaneqarsinnaavoq KANUAANA´p nakkutilliinermi sulisut pikkorissartittarmagit ilinniagaqaqqitsittarlugillu aamma nalunaarusiornermi atorlut qarasaasiakkut piviusunngortinniarneri ingerlallugit nakkutilliinermi sulisunut suliaqarnerup oqinnerulernissaa naatsorsuutigineqarluni aamma aalisarnermi paasissutissanik nakkutilliineq nakkutilliinermilu suliniuteqarnerup tunngavii nukittorsarlugit.

Ilanngullugu erseqqissarneqarsinnaavoq nakkutilliilluni sulinermi assut iluaqutaassasoq umiatsiaaqqat inuussutissarsiutigalugu atorneqartut tamarmik GR-normulerlugit nalunaarsorneqarnissaat pillugu piumasaqaateqartoqarpat, soorlu ullumikkut aalisariutini anginerusuni atorneqartoq.

Qaammataasat atorlugit aalisariutiniq nakkutilliineq pillugu nalunaarutip iluarsaaneqarnissaanut atatillugu aamma eqqarsaatigisariaqarpoq aalisariutit nakkutigineqartussat angissusaata uttuutaat millilerneqarnissaa ajornannginnersoq.

Naggataatigut taaneqarsinnaavoq KANUAANA´p aamma Arktisk Kommando´p akornanni suleqatigiinnermut isumaqatigiissutip iluarsanneqarnissaanut ilaatigut sinerissap qanittuani nakkutilliinerup annertusineqarnissaanut atatillugu suleqatigiinnerup annertusineqarnissaa KANUAANA´p neriutigimmagu.

Inussiarnersumik inuulluaqqusillunga

Randi Vestergaard Evaldsen